





# Қут-баракали бўлсин!

## Инга...»

туғилган чақалоқларни йўргаклаб олди

занд бўлиб камол топишига умид уйғонди. Шу лаҳзада бир хорижий меҳмоннинг мамлакатимиз қудрати ҳақида сўраган гапи ёдимизга тушди. Тасаввур қилинг: мамлакатимизда ҳар йили минглаб чақалоқлар дунёга келади. Минглаб ёшлар камол топади. Минглаб кадрлар халқ ҳўжалигининг барча соҳаларида фаолият юритади. Минглаб мутахассислар дунёнинг ривожланган мамлакатлари билан алоқада бўлади. Ана, бизнинг қудратимиз, ишончимиз, деган жавоб қалбдан отилиб чиқадики, буни сўз билан таърифлаш мушкул.

Қорбобо ва Қорқиз бу ерда бўлган фурсат ичиде туғилган бошқа чақалоқларнинг оналарига ҳам таҳриратнинг Янги йил совғаларини улашди.

— Йилнинг сўнги куни менга катта қувонч кел-

тирди, — дейди Зулхумор Зоҳидова. — Хонадонимизда Янги йилни янги меҳмон билан қаршилаёмиз — биз ўғилли бўлдик...

Қорбобо ва Қорқиз ҳамроҳлигида марказни айланар эканмиз, кимнингдир гулдаста билан янги меҳмонга кўз тикиб ўтирганига, яна кимнингдир ҳозиргина дунёга келган фарзандини меҳр ила бағрига босаётганига гувоҳ бўлиб, дилимиз завққа тўлди. Зотан, бундай дақиқаларда улардан-да бахтли инсон йўқ.

— Йил бўйи шундай хурсандчиликларга гувоҳ бўлиш бизга куч-қувват бахш этади, — дейди биринчи туғруқ бўлими мудири Ҳотам Долимов. — Ахир юртдошларимиз шодлигига шерик бўлиш бахт эмасми?!

Албатта, бахт. Шундай бир бахтки, Янги йил бай-

рами шодиёнасини ҳис қилиш, қадрига етиш сизу бизга насиб этмоқда. Қолаверса, 2005 йилнинг «Сихат-саломатлик йили», деб эълон қилиниши ҳар биримизга масъулик ва чексиз гурур бағишлайди. Зеро, соғлом жамиятда соғлом муҳитнинг юзага келиши, аввало, аёлга, онага боғлиқ эканлиги ҳеч биримизга сир эмас. Байрам арафасида таҳриратимиз хонимлари уоштирган мазкур тадбир мақсади ҳам ёш авлодлар кўз очаётган масканга бироз бўлса-да эътибор қилишдан иборат эди.

Дарвоқе, шу кунларда Қорбобо ва Қорқиз юртимиз бўйлаб сафарга отланишган. Улар хонадонингиз меҳмони бўлиш дими?



Рашид ГАЛИЕВ олган суратлар.

Эвёда АШУРОВА, Юнус БҲРОНОВ, «Халқ сўзи» мухбирлари.

Рустам ҚОСИМЖОНОВ (Шахмат бўйича Марказий осиблик биринчи жаҳон чемпиони):

## Тож Ўзбекистонда қолади!

— Поёнига етаётган йил мен учун омадли келди. Ливиянинг Триполи шаҳрида жаҳон чемпионлигини қўлга киритдим. Албатта, бу муваффақият нафақат менинг, балки бутун Ўзбекистонликларнинг галабасидир. Чунки ҳамюртларим ҳар бир ўйинимни қузатиб, омад тилаб турдилар ва бу мен учун жуда катта далда бўлди.

Ҳозир Германияда навбатдаги

мусобақага тайёрланимман. Айни дамларда бутун фикру хаёлим бўлажак мусобақада. Насиб этса, унда ҳам галаба қозониб, юртимга ёруғ юз билан қайтиш ниятидаман.

Фурсатдан фойдаланиб, барча ватандошларимизни Янги йил билан табриклайман. Бу йил барчамизга омад келтирсин!

Имомали НАЗАРОВ (фермер, «Ташаббус-2004» республика кўрик-танлови галиби):

## Заминга эгулиб юксалдик

— Аввало, тугалланган йилни мухтасар сарҳисоб қилар эканман, у мен учун ва кўп тармоқли фермер ҳўжалигимиз учун мазмунли кечганини алоҳида таъкидлаб ўтиш жоиз. Сабаби — тадбиркорлар ўртасида Президент соврини учун мунтазам ўтказиб келинаётган кўрик-танловларда аввалги йилларда ҳам қатнашиб келган бўлсам-да, айнан «Ташаббус-2004»да галибликни қўлга киритдик. Бу эса бизни эл дастурхони тўкилиги йўлидаги саъй-ҳаракатимизга янада масъулият билан ёндашишга ундайди.

Янги — 2005 йил — Шарқ тақвими бўйича Товуқ йили. Халқимизда паррандачилик етти хазинанинг бири сифатида эътироф этилади. Ниятимиз элимиз дастурхони тўкин бўлсин. Бир сўз билан айтганда, у чин маънода қут-барака йили бўлсин!

## Байрам тилаклари

### Армонлар ушалди

Зулфия АЛИ ОГЛИ, (Туркия): Мен Истамбул шаҳрида туғилиб, камол топдим. Ота юртимга бўлган меҳр, ҳурмат, ўзбек тилига бўлган эҳтиром, юрт соғинчи эҳтимол, бизни Ўзбекистонга қорлаган бўлса ажаб эмас. Ота юрт жамолини яна бир бор

кўрсак эди», «Ватаннинг байраму тўйларини, жон-жигарларимни соғиндим», дея ўзга юртни ватан тутган не-не боларимиз, момоларимиз армон билан бу дунёни тарқ этдилар. Уларнинг армонлари бизнинг тимсолимизда ушалаётганидан хурсандимиз.

Янги йилда ватандошларингизга тилак айтиш нечоғли қувончли. Бу — ҳар кимга ҳам насиб этавермайдиган бахт. Мана, сакки йилдирки, оила аъзоларимиз билан Янги йилни она юрт — Ўзбекистонда кутуб олаёмиз. Ўзбекистон билан тақдирларимиз чамбарчас боғланган. Юрт тинч бўлсин, Ўзбекистоннинг осойишта осмонида мангу қуёшу юлдузлар порласин. Тинчлик бор жойга эса, тўй-тантаналар ярашади.

## Қайси банкка пул қўйган маъқул?

— Ўтган йил бўйича таҳлил натижалари ҳали тўлиқ тугаллангани йўқ. Бироқ 2004 йилнинг 9 ойлик натижалари бўйича шуни айтиш мумкинки, компаниямиз рейтингига қатнашиб келаётган республикамиз тижорат банкларининг молиявий салоҳиятлари ҳамда ишончлилик рейтингини бу йил анча кўтарилди. Бу асосан халқаро талаблар асосида Ўзбекистон Республикаси Марказий банки томонидан амалга оширилган пул-кредит сиёсати натижасидир. Марказий банкнинг инфляция даражасини акс эттирадиган қайта молиялаштириш ставкасининг босқичма-босқич камайиб бориши тижорат банклари хизматлари учун олинандиган фоиз ставкаларининг камайишига олиб келди. Натижада ушбу банklar ўз даромадларини ошириш учун турли-туман, сифатли хизмат турларини тақлиф қила бошладилар. Мисол тариқасида пул ўтказишнинг янги тизимлари, янги турдаги омонатлар, истеъмол кредитлари, пластик карточкалар тизимини келтириб ўтиш мумкин. Буни оммавий ахборот воситалари орқали мунтазам бериб борилаётган рекламалардан ҳам билса бўлади. Соғлом рақобат муҳитида банklar ўртасида кечаётган курашдан миқозлар манфаат кураётир, албатта.

Ўтган йили мобайнида хусусий банklar — «Бизнесбанк», «Алп Жамол банк» ва «Кредит-Стандарт» банклари,

айниқса, самарали фаолият олиб бордилар.

— Янги йилда қайси банкларда омонат маблағларини сақлаш ишончлироқ ва фойдалироқ? Мутахассис сифатида фуқароларимизга қандай маслаҳат берган бўлардингиз?

— Банкларнинг ишончлилик даражасини бизнинг рейтингларимиз орқали қузатиб бориш мумкин. Бундан ташқари, фуқароларимизнинг хавотирланишига ҳождат йўқ. Сабаби — аҳолининг банklarга қўйилган омонатлари Фуқароларнинг банklarдаги омонатларини кафолатлаш жамғармаси томонидан ҳимоя қилинади. Ҳозирги кунда банкларнинг муддатли омонатларига пул жойлаштириш кўпроқ даромад келтиради. Халқаро валюта жамғармасининг Ўзбекистондаги миссияси баённомасига кўра, Марказий банк янги йилда нақд пул тақчиллигига йўл қўймаслик чораларини кўрмоқда. Шуни ҳисобга олиб, омонатларга қўйилган маблағларингизни ўз вақтида олишда муаммо бўлмаслигини таъкидламоқчиман. Маълумот ўрнида айтиш мумкинки, барча ривожланган давлатларнинг банк амалиётига кўра, омонат микдори катта бўлгани ҳолда, сиз ўз пулингизни муддатидан илгари қайтариб олмақчи бўлсангиз, олдиндан банкка бюорتما бериб қўйишни маслаҳат берамиз.

Юнус БЕК суҳбатлашди.

## «SAM-LARK-KARPET» иш бошлади

Янги йил байрами арафасида Ургут туманида янги қўшма корхона ишга тушди. Туркиялик ишбилармонлар билан ҳамкорликда ташиқил этилган «SAM-LARK-KARPET» қўшма корхонасининг Низом жамғармаси 150 минг АҚШ долларига тенг бўлиб, бу ерда асосан гилам, полос ва бошқа тўқимачилик маҳсулотлари ишлб чиқарилади.

З.ЖОНИБЕКОВ.

MTC GSM  
D-AMPS GSM  
UZDUNROBITA first cellular

# 2005

Азиз ватандошлар!

«Уздунробита» компанияси жамоаси сизларни кириб келаётган Янги — 2005 йил билан муборакбод этиб, барчангизга саломатлик, бахт-саодат, фаровонлик ва эзгу ниятларингизнинг рўёбга чиқишини тилайди.

www.uzdunrobota.uz  
wap.uzdunrobota.uz

Хизматлар лицензиялаштирилган

## 2005 йил бюджети

Мамлакатимизнинг Янги йилдаги Давлат бюджетига ижтимоий соҳага ва аҳолини ижтимоий қўллаб-қувватлашга йўналтириладиган маблағлар 1 735,0 млрд. сўм қилиб белгиланган. Бу жами бюджет харажатларининг 50,8 фоизи тенгдир.

Халқ таълими соҳасига Давлат умумий миллий дастурига режалаштирилган маблағлардан ташқари 921,9 млрд. сўм маблағ ажратиш белгиланган.

Иқтисодийнинг устувор тармоқлари 453,5 млрд. сўм миқдорига маблағ йўналтирилади. Бунинг 332,0 млрд. сўми сув иншоотлари ва ирригация тизимини сақлаш ва таъмирлаш харажатларига йўналтирилади.

Академик лицейлар ва касб-хунар коллежлари қуриш ва реконструкция қилишга, қишлоқ аҳолисини тоза ичимлик суви ва табиий газ билан таъминлаш, транспорт инфратузилмаси ҳамда коммуникациясини ривожлантириш каби мақсадлар учун 345,0 млрд. сўм маблағ ажратилган.

